

四庫全書

集部

欽定四庫全書

兩宋名賢小集卷二百二

宋 陳思 編

元 陳世隆 補

北山集二

程 俱

送朱職方希亮出使利州路二首

許下多名士朱公盛德人懷丈深自匿謀道不求仲雅

望臺中妙宣恩劍外春聯憑巴漢水一浣九街塵  
星使出文昌仍分古華陽過家真畫錦擁節異懷章泛  
應超餘刃存心即道場冕旒須獻納早晚侍明光

和同舍夏日四首

寒暑不到處儵然天地中夏水聊善幻性水自真空松  
壑凝寒露荷燈障遠風我我欲千仞扇暘意無窮

右清冰

曉來風破睡天外失參橫雨作刻漏下人思江海傾林

塘回秀色塵市亦歡聲漏屋吾無憾聊蘇東耒氓

右暑雨

夜氣接平旦微涼生太虛庭槐秋影動簷月曉光餘執  
熱寧無間探湯固有初斯須銜燭轉汗漬羽陵書

右晨起

赤日不可度紅塵能許深糞除知有意垢淨亦惟心葉  
落石門曉花殘桃徑吟安知煩溽地擁篲却流金

右掃地

鄒侍郎挽詩二首

蠻貊人無間，鄉閭行益尊。  
芝蘭有餘化，桃李竟何言。  
遠日來千兩，他年歎九原。  
死生如可作，安用百身存。  
夷跣雖殊趣，彭殤共一歸。  
投荒萬里再，乘化百年非。  
細行皆無憾，常言亦造微。  
祇應存信史，千古有沾衣。

齒落

年運過半百，齒搖先右車。  
朝來忽自墮，笑罷却成嗟。  
鶴髮情知爾，牛呵老更加。  
舌柔真足恃，寂寞寄生涯。

種蓮

不向東林社聊分玉井蓮  
淤泥超黑業定葉異青錢  
八法那能染三車固可捐  
從容共漁樂吾意已忘筌

殷浩廢處信安偶覽衡州圖  
經故居尚有遺址有感於懷書四十字

中軍時所廢我廢坐衰殘  
軒冕倘來寄炎涼非意干空  
函嗟外重小品亦徒看  
異代均流落還來客信安

戲呈虞君明察院暮

三仕三已心如空一壑一丘吾固窮門施雀羅止可樂  
車如鷄栖良不惡胸中兀峩初欲成綵衣玉斧雙鬢青  
世間何樂復過此不失清都左右卿

長安陸海如洪爐五金出入無精摘平生椎鈍堅重質  
一往澠液隨流珠請觀五石大瓠種且以濩落浮江湖  
環中何者為榮辱千鍾何如三釜粟坦途緩步東方明  
大勝跨虎臨深谷

夜坐

飢烏夜啼栖復起  
乞粟飛光透窻紙  
捲簾萬瓦白生烟  
桂影扶疎淨如洗  
回腸正隨清漏轉  
葉下空庭亂如霰  
青燈耿耿夜何其  
雲篆吐蘭初一線  
歲云暮矣萬竅號  
霜天旅雁求其曹  
月行虛空幾萬里  
羣犬吠光聲正豪  
浦團瞑目空危坐  
逝者如斯白駒過  
悠悠昨夢不可攀  
此身此心何日閒

題蔣崇德彙所藏明皇夜遊圖

燃膏飛鞚逐流光  
露溢金盤樂未央  
擬跨八龍窮轍迹



誰令一馬向銅梁

秋夜馮懷呈常所往來諸公兼寄吳興江仲嘉八

首

秋聲不闕人倦客偏入耳  
蕭蕭舞黃葉策策振疎葦  
明知壯則老搖落固其理  
如何石心人慨歎中夜起

蓬蘽沒三徑藤藟上瓜盧  
時聞步屨聲款關問何如  
定坐無雜語文章校精粗  
馬融辭東觀翫骭與世疎  
顧此窮巷士華顛空著書

外監嗟已遠吾猶識其孫森然見孤韵辯作懸河翻低  
頭向螢窻有類鶴在樊誓書五千卷字字窮根源頗攜  
未見書過我樵無烟

向來霜秋句俯仰歲一終人間有寒暑方外無窮通青  
青千丈松不改冰雪容坐閱蒲與柳飄蕭隨雨風寒松  
老益高蒲柳老益衰流萍况無蒂復與飛蓬期却埽計  
不早出門欲何之

剝啄驚午枕軒昂見長身蒼髯如修竹定非俯仰人德

公卧襄陽不踏官府塵此老頗似之酒酣見天真結廬  
甚幽獨已辦老圃隣披榛時一來數面久益親

二士出吳下諸生有揚王相從寂寞濱無乃計未良縱  
橫三千字坐可致玉堂詞章乃糠粃不直粟一囊我愧  
非子雲文書昧偏旁窮居似韓子草樹亦荒涼時能出  
佳句慰我秋夜長

物色一如此淒風薄人衣遙憐卞山客增歎雉朝飛固  
知難為懷舉餐念齊眉勿使梨棗間纏綿生繭絲

清霜掃蕃廡豈為一草木方春萬物遂苑籞及水谷乾  
道本平施憎愛豈有屬不應懷偏慳獨遇吾黨酷竒窮  
坐迂疎此事計已熟如何半世間生理常刺促

春日馮懷

春風遍芳華一國盡狂醉窮閭獨不知但見長蒿薺秋  
飈起蘋末一華初未墜幽懷獨先覺意象已淒厲故知  
春與秋初不為我計危絃自應悲寒木終易脆要之夢  
中夢憂樂同一寐翻然詠軒丘心量浩無際

到官兩旬四走山野作詩以自勞云

上山偃仰如望天下山偃仆如深泉胡為持此不貲寶  
來試萬丈懸崖巔前人見踵後見頂仄足鳥道相攀牽  
欵然寘我章貢上水激石罅奔雷填荒塍曲澗無遠近  
渺渺不見墟中烟土岡鑿路狹如隧蘇壁藤蔓蛟虵纏  
寒風颼颼失白日上有萬木蒼陰玄航溪之深揭其淺  
碎石齧足聲號川茗山發我一長喟彼有吳市中仙  
飛瓊練玉存故處祗有井竈無霜鉛我今正坐五斗米

悔不辟粒從期佗向來吳松厭羈旅三歲半逐鷓夷船  
故教筦庫著踈嬾坐守兀兀聊窮年安知求逸得奔走  
豈異避挺蒙戈鋌吐嗟萬事何必計努力唯有歸園田

豁然閣

雲霞墮西山飛帆拂天鏡誰開一窻明納此千頃靜寒  
蟾發澹白一雨破孤迥時邀竹林交或盡剡溪興扁舟  
還北城隱隱聞鐘磬

讀陶靖節詩

吾觀靖節詩三歎有遺音卧看起咏之惜惜澹多心欲  
學靖節詩慎勿學其語心源如古井衡氣光發宇言無  
出言意妙語自天與譬如清泠淵月湛不可取崆峒  
驚湍乃若震雷鼓斯言可深味往往棄如土

九日雨中對菊忽忽塊坐用雨中對花韻三首

胸中有天游一室未為迫永懷東籬翁那復有此客重  
陰敗佳辰長雨不為澤推飀對黃花菜色被臧獲黃花  
亦蕭條伴我雙鬢白猶能相响濡嫩葉供小摘

去年峨眉山痛飲真得計  
新蟾繼秋陽明潔藉點綴  
今年坐蝸廬簷溜落空砌  
花開信多雨會少苦分袂  
茫茫大塊間游子况無蒂  
百年能幾何行復驚改歲

急心如危絃未斷先凜凜  
風庭忽知秋中夜不安枕  
力行無遠途積縷成重錦  
男兒未蓋棺雅志安得寢  
榮衰非所念身世固已審  
亦復羨久生聊為老錢飲

元夕塊坐因用葉翰林去年見寄元夕詩韻寫懷  
兒童逐遨戲先春禱春晴  
心如飄風快目若冰壺明  
寧



為惜日計所願佳節并老來見紛麗如乾連婆城流光  
不可挽譬彼空中聲那知節物佳儵然謝將迎幽燈對  
簡編歷歷記所更斯須閉闔卧鼻息驚雷鳴寤念北山  
北田家已催耕胡為異鄉久空寒猿鶴盟

短日長易暗凝陰有時晴何人勸之照燭燎皆爭明今  
年春苦寒寒威劇幽并連綿積三白雲埋闔廬城深泥  
泱新雨行路無人聲藜燈不來下箕卜豈復迎朝來日  
照梁天氣忽已更稍聞橋市間簫鼓遠近鳴吳人尚游

樂急如赴春耕唯有窮巷士守窮如守盟

西安謁陸蒙老大夫觀著述之富戲用蒙老新體

作

大人意何長絨笥文史足琅然五行落洞視不再讀作  
書兼遠矣衆妙探玄竺時時歌四始笑捧五經腹高堂

發新藁重複羅籤軸觀之類窺管諷味得膏馥

蒙老號為連韻

如云風  
捧諷馥

白頭書生黑頭翁長安時花幽澗松遠飛近啄雖異志

天命厚薄無雌雄  
鈎深采博燥喉吻  
守此一畝蓬蒿宮  
杜門不出交二仲  
木陰澗曲遙相通  
紫囊貝葉資藝苑  
欵闕一見逾三冬  
亭亭漫吏多所歷  
乾死書螢心似漆  
王門賓閣不留行  
赭顏跣足搜泉石  
茅簷正欲結雲根  
竹葉榴花薦餘漑  
當從元亮賦言歸  
木茹麻衣永投筆

蒙老號為合離樂  
名如當歸木筆

十月五日集季野家歸作

賢愚孰無營  
急景信可惜  
如何闔廬城  
乃有此閒客  
懷安

豈初志運甍有餘力相從無何鄉邂逅一日適虛窻得  
朝陽寒凜作春色琴書羅棊几一一淨如拭畫沙見竒  
蹤落屑非近識似追永和還未覺正始隔崢嶸衡霍圍  
莽蒼雲夢澤時華各低昂幽鳥共深寂誰驅此變幻戲  
納方丈域慙公慶春釀澆我憂思積豈無車公語顧非  
伯仁匹長檠蠟花推起視霜月白酣歌美清夜擁髻  
侍通德參差吐幽妍鑿落艷芳碧觥籌不留行為問此  
何夕言歸謝主人五斗安可極

戲示江協律漢

酸寒北山尉憔悴  
九州守枯魚同處  
陸濡沫賴詩酒當  
時年尚壯意氣亦  
何有只今雙鬢華  
十載一回首仕初  
君似遇遊倦吾已  
醜邂逅記昔遊空  
嗟漢南柳

江再和戲答

當年季將軍晚節  
河東守誰令一人  
譽揮去坐使酒長  
卿起遐陬落筆賦  
烏有要之乃雕篆  
意不在黔首窮通  
付造物世俗浪妍  
醜何必送五窮呼  
奴結車柳

葉內相赴淮泗

向來英妙壓鰲頭去國三年白髮秋  
蕭傳豈煩更吏治  
賈生原自贊皇猷  
高文已得江山助  
遠業寧為管晏留  
聞說云亭已除地  
正須椽筆記鴻休

九日陪章湖州致平援登道場山汎舟溪上

九日登臨得翠微  
拂天松竹引丹梯  
神遊八表層霄近  
目盡千山落日低  
人散飛雲留畫棟  
舟回初月照清溪  
故知王謝風流在  
吹帽何人醉似泥

次韻趙叔問對雪共酌有懷江仲嘉

恍然身寄一山川，玉宇銀牆墮我前。  
便欲乘風向寥廓，恨無新句落雲烟。  
延枚座右頻虛席，訪戴人遐歎獨賢。  
遙想交頤對秦望，朝來清思浩無邊。

哭王元規

華顛傾蓋便忘年，信有烏衣不乏賢。  
膝下中郎名譽早，湖南司馬歲時遷。  
去天尺五非無地，擊水三千竟莫前。  
唇腐五車真底用人，琴冥漠付重泉。

和荅何蒙聖刑定

胸中林壑寄商顏門外紅塵了不開年去人猶昔人耳  
身遊不與缺間與君同覺夢中夢顧我長嗟山復山

何日方舟歸里社韋編應許試窺斑

與蔣子有道丁丑相從吳下之遣感賦

三逕旁臨招隱溪子真池館叩林扉擘舟夜雪多乘興  
步屨春風每醉歸居舍相望一牛吼宦途常作二鳧飛  
試還邀月持杯地共覺勞生四十非



曝書會和陳正字磷觀御製書二首

龍檢金壺記子年寥陽宮殿玉虛前三元初識皇文秘  
八法爭看御墨鮮叢簡舊歲丹莖篋羣仙擬近白畦泉  
隆樓縹緲侵雲漢神物撫呵衛九天

七聖雲章紮秘清睿謨神藻發長生六爻妙物超龍瑞  
千里真修叙廣成但覺煥丈驚俗眼何勞握筆避書名  
法宮涵演方無盡玉海濡毫卷四瀛

送傅舍人國華使高麗二首

長嘯溟波又一遊  
眼中壺嶠接滄洲  
紫薇垣近三台象  
銀漢槎回八月秋  
七制還須補天筆  
一帆聊展濟川舟  
從容歸奏承清問  
膏澤東西四十州

翩翩綠水泛紅蓮  
一紀重來擁使旃  
雲外兩星明漢節  
海東千里戴堯天  
舊聞箕子多遺俗  
會使匈奴失左肩  
五十年來蒙惠渥  
故應微筆莫窮鐫

和江仲嘉見寄

華門蓬舍不知春  
車似鷄栖甑有塵  
千里傳情望雙鯉

一杯和影只三人交親  
離合同巢燕身世羈危  
獨繭綸  
四體不勤徒擾擾擬將  
玄指問吳筠

寒谷應殊尺五天鹽車  
無復望騰騫至人未免  
填溝壑  
大隱不如居市廛長嘯  
呼鷹思上蔡獨吟留石  
在平泉  
茅茨欲作終焉計未有  
滄浪四萬錢

何蒙聖挽詩二首

倦遊初返北山僮一面  
忘年得此翁學易知公  
無復過  
詩窮如我敢言工安知  
接迹金蘭直便作回頭  
夢幻空

本自無生今豈滅不應吾道又西東

五籍紛綸井大春一言超詣阮參軍  
王門設醴重經席  
藏室修書老蠹芸問字毫釐分鳥跡  
論文領略到皇墳  
他年宿草傷心地千里衢山隔暮雲

酬穎昌葉內翰見招

觸熱西遊沂濁波京華旅食謝經過  
年侵鏡裏今如此  
歌闕壺邊可奈何賓閣遙知懸玉塵  
直廬應許到金坡  
須公一節趨環召猶及昆吾百步荷

書壽昌驛

歲暮白日速風高黃葉稀歸心與寒雁一夜向南飛

空相僧舍書事

午景入疎竹堂陰粉筠香疎簾撲空翠無風自微涼  
茶聲破禪寂日轉幡影長霏烟觸垂爪汎乳搜枯腸  
投局起尋勝徘徊雨花堂巢蓮見靈龜信有千歲祥  
徐觀乃跛驚圍圍循孤蔣笑罷復歎息是非可兼忘  
却坐對談塵水松想千章新穎二三子矯若驚鴻翔  
府中有料理

不作功曹狂

戲贈江仲嘉司兵

君不見謝公栖遲樂東土起作司馬征西府莫年談笑  
有穰孫鶴唳風聲走強虜又不見子猷剡川高興闌肯  
隨鶴書落人間不知騎曹底官職朝來拄頰看西山平  
生清真翠嵒老泉石膏肓偶同調歲寒落落見孤松不  
忍低眉寧枯槁年來無米繼朝炊聞說吳興富魚稻不  
妨來作古司兵士卒投醪止鳧藻美哉洋洋雪溪水秋

塘百里荷花遶當年釣徒放浪處醉目悠然送歸鳥斯  
人不死世不識往往凌波弄瑤草君方參同驗龍虎我  
欲治荒種梨棗會當月夜見龐眉一笑超然凌八表

送趙子畫奉議歸睢陽

紛華眩人劇朱碧子獨好書如好色王孫被服甚寒生  
射策君門先破的榮州書窟三萬卷錦囊付此龐眉客  
西遊勾吳北大魏亦復徒勞問刀筆不唯唇齒腐經史  
正自雲山鏢胸臆老來息交思簡事為子忘劬廢晨昔

春風滿帆送歸舸回首青雲如昨日知君名駿定千里  
不待朝廷訪幽仄有書時寄雁南飛顧我漁樵正爭席  
同趙奉議離吳興江仲嘉昆仲送百餘里戲作一

首

大江飲酒如澆灰小江飲酒顛如雷扁舟相送不道遠  
百二十里雲帆開云亭老人窮不死故園茅屋荒蒼苔  
闔閭城中一畝地已辨菟牖鉏蒿萊吳興上佐吾黨士  
十年縱賞西王臺眉間黃色袵綵服拖樓長嘯春風回



要須醕酏酌此別不難萬頃添金杯明朝相望即湖海  
縱有美酒胡為哉

過毛達可友給事覽壁間舊詩次韻二首

堂前清颺發樹外赤日西坐令天壤間氣候忽不齊解  
帶席嘉陰長哦壁間題故應有神護塵土不得迷前年  
歎公門鸚鵡亦已啼今年復羈旅庭莎欲鳴鷄西遊有  
底急觸熱忘早栖似為飢所驅不計轍與蹄綈袍意彌  
厚盤餐洗羹藜磊塊久不澆醇醪代朝齏襄陽乏新句

夜直難相攜

黃花非不佳寒澹每見少蕭蕭亦無言懷抱不自曉深  
嫌小桃夭欲作霜松矯窺叢慰寂寞時有南飛鳥主人  
真賞竒灌植勤便了徘徊傍東籬高興在塵表坐有白  
頭生臨風百憂繞

北固懷古

阿瞞長驅壓吳壘飲馬長江投馬筆英雄只數大耳兒  
彷彿芒碭赤龍子幄中況有南陽客布衣躬耕無甌石

當時鼎足計未成聊此一竒空赤壁人隨流水去不還  
卧羊頑石留空山如今留石亦煨燼山與長江相向閒  
秋華無幾尚有紫薇相對里巷間

晚花如寒女不識時世難幽然草間秀紅紫相低昂榮  
木事已休重陰閉深蒼尚有紫薇花亭亭表秋芳扶疎  
綴柔枝無復粉艷光空庭一飄委已覺襟裾涼手中蒲葵  
筴雖復未可忘仰視白日永淒其感冰霜

秋雨三首

細字忽難讀松窻失朝暉開簾視天宇屯雲凝如鬣霏  
微乍噴酒翕忽看淋漓斯須達百川中庭即方池秋雷  
亦動地勢洶萬鼓輦虛簷忽無聲蒼狗變白衣飄搖露  
穹碧涼飈洗蒸炊雨師真解事作止適所宜

十日儼辰次如環了無端人言秋甲子畏濕不畏乾向  
來譙門道旁立三尺壇故勤壁間緣一起泥中蟠青衣  
躍且噪有如沐猴冠先聲忽洒道直此辰與干邇來未  
旬決三見急雨寒黃流抹河草連檣度平瀾良苗有佳

色未覺十畝寬時暘亦須早無使江湖翻

華首三不遇求田亦良圖莫嗔湖海士豪氣故不除扶  
犁本吾事二頃終勝無繞舍生蓬蒿閉門種英蕪從渠  
百尺樓笑此蝸牛盧吳中久卜隣會從古人居荆溪一  
塵地倘與求羊俱屠門過大嚼一雨喜有餘正恐二三  
子聯翩躡雲衢空令千里駕悵望黃公壚

過紅梅閣

春風如醇酒著物物不知能使死灰色化為明艷安寒

枯出繁秀巧與節物期江梅故幽獨綽約不自持居然  
北枝後迨此白日遲春風日浩蕩醉色回冰肌清妍有  
餘態衆芳謝凡卑憑虛一迴睇俯仰歲月馳所恨培雪  
根向來歲寒枝差池弄芳晚坐令顏色移顏色固嫵媚  
幽香無故時

題蔣永仲蜀道圖

梓州別駕真雛鳳賞古探竒坐饑凍要窺瓊儋蔚藍天  
直上潼江歷秦宋每逢佳處靜盤礴流出胸中九雲夢

乾坤塊土本無迹我獨毫端發神用戲驅萬變寄陶寫  
軒豁端倪巧搏控蒼筠擢秀飽冰雪古幹撐空中梁棟  
竒礪那得在山谷回首何年委堅重輪困偃蓋屈金鐵  
天矯驚虬起岩洞春江莽蒼迷東西漢南老柳參差垂  
烟中遠近見木末明星已沒城烏啼平生險怪三峽水  
古木籠從陰風吹石間雷電殷九地出入噴溥無窮時  
我身跣足半天下偃蹇故是山林安南行瀟霍北嵩洛  
應接不暇空狂痴作詩瀉意如捕景况有三絕窮天機

清晨對此恍自失  
眼中太白橫峨眉  
請君什襲秘緹革  
恐復仙去歸無期

寄開化李令光

我行阡陌間  
苗麥已復青  
茅茨間新稿  
雞犬有和聲  
不見吏索錢  
田家得其生  
雞犬亦肥字  
不遭無事烹  
于斯可觀政  
豈在赫赫名  
父老亦相語  
懽然就春耕  
官租及時了  
卒歲樂無營

山間古梅林  
有鴉集其端  
不飛亦不鳴  
彈射莫敢干  
下



窺羣雀雛啄穎刻其肝欣然舐兩爪意得良自安飛來  
多凡鳥助此凶且殘安知萬山曲亦復鳴栖鸞相味固  
不可見嚇技亦殫衆鳥既有恃相期在歲寒

園居荒蕪春至草生日尋野蔬以供七筯今日枯  
枿間得蒸菌四五亦取食之自笑窮甚戲作此詩  
平生囁嚅口出語無媚悅定非肉食姿賦分在藜蕨僑  
居得空園窮陋亦清絕分陰豈不惜飽睡送日月蕪菁  
不須種衆草今已茁朝來一雨過青細皆可掇東籬有

更生杞枸僅堪埒乃知天隨生豈羨五鼎列堂萱不我  
負芽甲破春雪糜身薦瓢箪解我憂思結薺花雖未繁  
著地爛於纈驚雷發蒸菌自可當夏鱉馬蘭亦芳脆人  
莫固凡劣晴朝當炙背俯僂事挑抉家人各盈襜汲井  
手自挈滿炊太倉陳侑以冬菹列盤中長闌干置餽每  
虛撒恨無穉龍苞此味那得缺長謠青青槐饒液想庭  
樾妻孥覆相誚男子志勳烈君非老浮圖菜本可長啣  
况茲閒草木豈為刀匕設乃翁笑摩腹萬事付一呷此

中有真趣勿為兒輩說

七夕

阿母雲車下建章  
茂陵秋草竟荒涼  
漢庭卿相如麻葦  
只數窺憲陞戟郎

胥門老蔡定凡仙  
會有神人與作緣  
自笑塵容滯窮骨  
不如鷄犬上青天

江仲嘉行邑將歸見寄絕句次韻

骯髒江公故不羣  
八閩三窟斷知聞  
喜談狗馬從無鬼

獨抱水霜似此君

常嫌小知漫閑閑曠度蕭然只愛閑不借黃梁留客醉  
嚴闕三鼓欸銅鑠

勸農行稼亦看山牛驥何妨共一閑應笑云亭老頗僻  
背崖無地結三間

漾漾扁舟拂水飛飄飄蘋末細吹衣傳呼匝動來連璧  
東郭人知典午歸

詩成端欲據天山酒戶猶能敵飲仙幽事相關公事了

如屏千嶂翠連綿

三峰草堂

庭前雙梧一畝陰  
禪房蕭森花木深  
清霜脫葉空山响  
夢覺寒憇松月林

雨洗千山翠  
月浮稻畦松澗已爭流  
朝來風急疑雲盡  
歷歷鐘聲過五州

靈山觀

入夢無黃石  
投身賴赤松  
濯冠臨皖水  
執簡叩瀟峰  
司

命開琳闕明光下玉龍高靈心拱衛江海勢朝宗清夜  
垂星斗空山答鼓鐘雲車來絳節風馬上丹封樓觀參  
差見岩崖轉側容山川瞻勝異蘋藻薦巖恭凡骨應難  
換幽人豈易逢他年華山藕安用葛陂筇

偶成四十字呈彥章內翰叔問侍郎

頭童心亦盡老矣不中書賴有金閨彥時來水氏墟但  
令尊有酒安問出無車更得身强健登臨縱所如

再和寄彥文

踵息菴中老看書不蠹書青燈對編簡秋氣入郊墟農  
圃從爭席笙歌載後車風流傾一座誰復似相如

觀老杜久客一篇其言有感於吾心者因為八詠

羈旅知交態

故里翻為客衰年亦倦遊攢禪慙北阮膳饋略東丘門  
巷遊麋鹿閭閻風馬牛程公良可笑大署欲何求

淹留見俗情

扶病來城郭栖遲又幾年炎涼驚節變榮悴與時遷掉

臂人趨市駢頭蟻聚羶回觀衰冷地古竈不生烟

哀顏聊自哂

禿髮無重綠疎髯已半凋識風搖老柱火宅豎衰標往  
事那堪記幽懷不自聊餘年倘窮健猶及中興朝

小吏每相輕

鼠輩何知禮奴曹只世情鴟鴞嚇鸞鳳螻蛄蟻困鯢鯨舍  
者時爭席將軍莫夜行豈堪供一笑正自不須驚

去國哀王粲



獻納無明畧衰遲只故鄉養疴憑藥裹埽迹寄僧房不  
作荊州客空悲漢署郎登樓那假賦哀鬢白蒼蒼

傷時哭賈生

僭逆真苕燕戈鋌尚井蛙蒼生困征斂黃屋久咨嗟北  
狩終當返東巡亦未賒皇基甚宏遠四海會為家

狐狸何足道

宿弊難毛舉中原尚土墮時聞殲狗鼠未遂戮鯨鯢冠  
蓋翔鴛鴦干戈集虎豹埋輪豈無意攬轡欲誰期

豺虎正縱橫

勅敵頻窺塞潢池欲弄兵未傳朱泚首時勞亞夫營四  
海幾糜爛羣凶會鼎烹皇威清海岱談笑掃欃槍

興龍節日有感二首

往歲興龍節寰區樂未央姜任乘德化夔契拱岩廊事  
逐流年往憂隨愛日長嘉時真易失追想故難忘

往歲坤成節羣生鼓舞中至公同造化和氣浹羌戎佐  
佑三王治彌縫十亂功戎衣何日定無處問高穹


鬱鬱澗底松

鬱鬱千山麓常嗟澗底松老應從禹貢清不受秦封偃  
蹇龍蛇蟄摧藏冰雪容地偏難聳壑根固獨凌冬天近  
知才大辰來有棟隆山苗應大笑穴螿莫相攻

移竹

寓目無清致興懷要此君影移千畝月枝散五湖雲鳳  
實和筠得龍苞帶箨分傷根同柏大剪葉異芝焚拔篠  
衣霑粉連鞭蘚破紋虛心寧擇地直節任離羣但欲通

三徑何須比萬軍  
凜然真玉立  
蔓草即堪耘



兩宋名賢小集卷二百二

欽定四庫全書

集部

兩宋名賢小集卷二百

三至  
六

詳校官中書臣孫溶

助教臣常循覆勘

總校官編修臣王燕緒

校對官編修臣吳省蘭

謄錄監生臣葛瀛三

欽定四庫全書

兩宋名賢小集卷二百三

宋 陳思 編

元 陳世隆 補

北山集三

程 俱

九月九日夜夢王元規詰旦其弟元矩適相訪感  
而有作

故人入幽夢彷彿平生懷心知九泉隔意氣慘不開  
哦詩不成章惆悵誰能裁曰此蕭異士寧當沒黃埃  
清晨客在門乃自烏衣來典型見難弟共歎一息乖  
幽明不可詰此夢何為哉回觀南園道微徑已蒿萊

卜築西塢

出處初漫浪淹留失佳時時英盡珠璞寧復見誰差一  
去四十年伏櫪久已疲幸此歲時暮穿雲弄清漪窈窕  
煙塢中蒼陰晝森垂茲焉寄茆屋橫仄任所宜谷口翳



杉竹柴門畏人知誰言一丘壑倘與汗漫期

寄芟湖江仲長柔

急澗無止水秋蘭無故叢別來今幾年坐閱毗嵐峯交  
親半鬼錄生者仍衰窮及茲過君家樽酒一笑同知我  
厭輦鼓煩君韻絲桐相攜步林壑暫覺萬慮空樗社寄  
莊叟醉鄉著無功醒來百憂集尚寐期無聰

晨起梳頭髮白且稀有感

余髮已種種我懷亦依依風林無安巢寒日無餘輝束

髮隨官牒前言服良規豈唯會計當自說牛羊肥妄獻  
北闕書墅芹安足希一挂邪士籍徒嗟寸誠微惓惓賦  
畝志正作禍患機羈危不如人行行向知非世變不可  
糾兵塵暗王畿真人起白水帝命式九圍誤沐宣室召  
白頭侍經幃誰言螢爝光敢近白日暉誰言草木萌敢  
試雷霆威野馬立仗下軒昂妄鳴嘶棄之老牛早無復  
瞻龍墀天公了無私與奪適所宜時方急功名異懦安  
所施士方貴才辨安用鈍訥為常人與善士何異於愚

癡譬之救焚溺珮玉行逶迤棄捐乃其理刺天看羣飛  
幸非高明室百鬼浪見窺自從伏堪巖風淫得偏痲有  
足不得行有手不得持每思林野娛濟勝憂無期堆壓  
不得往如驥繫且鞮如盲不忘視如寒不忘衣如痿不  
忘起如羈不忘歸但願老窮健長甘北山薇豈復理鬚  
鬢我冠待晨曦

自仲嘉云亡未始見夢舟行夜入吳興境有夢如  
平生感賦四首

江子隘斯世翛然向方蓬一朝成千古寤寐不復通夜  
入雪溪境胡然見幽夢高標何所似俯仰風中松談笑  
如平生炯炯雙方瞳去年經行地陳迹亦已空故應玄  
真老相與遊無窮

諸人久不死而使武子先斯言太癡絕愛忍無乃偏言  
看雅正情播在三百篇秦人哀三良百身寧可捐相鼠  
有深刺嗟哉胡不遠此豈惑者歟加膝墜諸淵乃知孫  
楚狂未必非公言

世以勢論士君誠不如人揚揚乘軒者志滿氣甚振外  
見七尺軀中有萬斛塵鑿杓固難入鴟鷂豈相倫炙手  
苟可執行路為雷陳高栖冷如鐵骨肉不得親誰能獨  
無死榮辱久乃真

皇天非無知伯道固有後百年能復幾僅比一昏晝久  
知彭錢天不及殤子壽向來簞瓢生廟食至今侑東陵  
雖飽死十載有餘臭泉蕃得剗腸苔折漫遺馥試當問  
玄夫此理或可究

初到書局以萬七千錢得一老馬盲右目戲作古  
句自嘲

蹄間三尋汗流赭九達雷電爭飛洒我窮那得逞追風  
正擬虺虺行果下平生畏途飽經歷夜半臨深無取者  
故應造物巧相戲却比盲人騎瞎馬李南知音當促步  
廣漢騰嘲不相假執鞭良稱塞翁兒並轡聊從杜陵夏  
屍然病顙豈其類老矣問途那可捨徑煩一夫事刷秣  
似桂薪芻不盈把向來伯厚亦安在結駟雞栖同土苴

他年東去把撩風縱爾逍遙汴東野

晁無斃將之錄示近詩有和其兄以道說之詩次韻以致區區兼簡以道

談詩如談禪練性如練墨壯心悟龜毛少作豈虵足平生甚元龍未信今伯玉十年得技閒高卧謝寵辱定知貧勝富固自平為福著書著名山會使山鬼哭結廬近三休為米時一出猶嫌佛場選肯問燕臺築俗人難與言鏡鬣遺盲禿前年客長安正見三釜粟塵中一傾蓋

爽氣岷峨綠別來更崎嶇  
寡陋嗟我獨塵埃篋中書有  
手不暇觸

次韻寄謝公表韓公朝請

世人如魴魚自蔽翻吐墨  
狸熊亦何罪不衛唇與足  
要當時木雁安問定石玉  
向來休休翁老去稱耐辱  
迹高名自汙卒享清淨福  
肯為接輿生叩木妄歌哭  
韓公早聞道垢濁久已出  
終成九層臺不棄一簣築  
長安列戟第桐影將缺禿  
寧辭治中興且食祠宮粟  
胸中荆棘盡



華髮當更綠抗塵我何容勇退公所獨何如善藏刀聊  
放虛舟觸

和葉翰林送李從事

賞音真兩難邂逅多契濶一朝間容刀三歲歌采葛古  
人抱修能初不露錐末誠令處囊中談笑堪式遏豈無  
識玉人顧恐鏹金奪遂令緇衣好斂迹裁自脫畫蛇杯  
已疏志鵠躬遽撥徒嗟湖海上髮白齒牙豁懷公劇梅  
林念至失焦渴臨風賦新謠憂思不可掇

自寬吟戲效白樂天體

武陵謫九年下惠仕三已或寤如拘囚或了無愠喜吾  
生憂患餘年或及者指偏痺未全安抱病更五禩進為  
心已灰棄置甘如齋坐狂合投閒佚老宜知止向令身  
安健不過如是耳每思古窮人我幸亦多矣照隣嬰惡  
疾羈卧空山裏纏綿竟不堪抱恨赴潁水文昌兩目盲  
無復見天地簡編既長辭游覽永無冀吾今雖抱病寢  
曳非頓委時時扶杖行積步可數里校之卧牀席欲坐

不能起雖扶不能行懸絕安可比時從親故談亦不廢  
書史右臂故依然運筆亦持匕籃輿時出遊初不廢牢  
醴况無他證候色脉苦無異詳觀動息間倘有全安理  
侍祠了無庸竊祿愧索米借居浮屠宮非村亦非市廷  
堂甚爽塏高屋敞窻几郊林接溪水眼界頗清美嘗聞  
天地間禍福更伏倚藉令衰蹇身終老只如此何須苦  
嗟咨未必非受祉形如支離疏飽食逸終世目盲如宋  
人全生免徭使平生歎遠遊今我在桑梓田園接家山

區處及耘耔平生困鞅掌今我恬無事寢興縱所如出  
處不違已病來益尊生對境空相似永無貪欲過稍習  
衛生旨不為六賊牽豈受三彭毀人言病歷身往往延  
壽紀大鈞默乘除萬一理如是安全固自佳蹇廢亦可  
爾死生猶寤寐况此一丈體細思安否間相去亦無幾  
如何不釋然萬事付疑始

旅舍寫懷

半世江湖寄此身冰壺何意及陽春離騷痛飲非良士

歎段還鄉亦善人  
病木作花真強  
肱長魚沉陸恐  
擁鱗  
清時英俊如麻  
葦敢歎長年  
甑有塵

酬葉翰林喜某除官東觀

水谷難通杜曲天  
淺聞那識絳人年  
揮斤始免從輪扁  
操牘寧堪佐史遷  
正恐商樊譏浪士  
可令齊魯歎無傳  
苓省挂壁空回首  
林有新枝竹長鞭

列宿羅胸妙補天  
巨鼇峰頂號耆年  
致君舊擬唐虞上  
去國徒驚歲月遷  
夢筆絲綸建瓴下  
憩棠膏澤置郵傳

平生頃倒燕臺意可使英豪慕執鞭

送葉善卷致仕歸吳

衛尉新除蓋次公便拋簪紱向江東  
秋鱸正與蓴絲美夜鶴休驚蕙帳空  
滿腹詩書原未試會心林壑與誰同  
自憐華髮無歸處慚愧冥冥物外鴻

和同舍雪晴即事

雪消晴沼漲微波一局文楸比爛柯  
塵外清霄三島近日邊春色五雲多  
不妨窈窕耽書癖時遣旗槍戰睡魔

洵涌詩情何所似，九龍雷動伐靈鼉。

和同舍上元迎駕起居

瓊構浮空錦作山，五門遙北望金鑿。燭龍飛度崑丘曉，  
玉斧修成寶鑑寒。便覺水荷回暖律，恍疑雲翼傳靈丸。  
都人喜色瞻鸞蓋，更擬交光雪未殘。

車駕幸秘書省口號

端門清蹕隱修廊，麟省新開接建章。六玉虬飛黃道穩，  
五芝華竦赭袍光。風生凡腋天顏近，春入仙洲晝漏長。

拭目訓詞成飽德共瞻雲日仰陶唐

清塵膏雨浹人寰金殿晴開瑞霧間帝座騰輝臨壁府  
飈輪紆景接蓬山龍鸞初識昭回迹麈鹿驚隨侍從班  
再拜逡巡戴君賜却迎天仗歎賢闕

和田龍圖升之登秋宴口號

赭黃高拱玉霄間金殿祥麟九色班湛露恩濃開鎬宴  
大風歌奏仰龍顏自驚垂老拋農畝浪逐羣仙歎帝闕  
銀甌白環方紀瑞汗青修竹盡南山



矍鑠仍堪將相間，壯猷却與虎臣班。

來詩云：坐于諸軍團練使之後。

公

車獻賦城南杜，郎省興嗟北地顏。合殿千官瞻黼黻，中

天雙闕敞瓊闈。彤庭拜舞嵩高三呼延，閣干雲真道山。

林德祖有詩寄光祿蔣卿夢錫，堦及送諸博士駁發終篇，皆見及次韻寄懷。

閉門那復賦三都，傳世何妨強著書。東海遺榮行路歎，南山歸隱故人疎。向平婚嫁無餘累，摩詰身心即淨居。六十挂冠雖早計，絕勝銜索泣枯魚。

金華玉府九天開  
夜誦何人薦逸才  
太學諸生終莫挽  
長沙賢傅幾時來  
別離傳恨空魚素  
歲月如飛逐管灰  
亦欲相追老湖海  
稽山肯放酒船回

和江子我端友

雨腳初收曉霧開  
青鞋布襪好追陪  
幽人無事長相見  
佳句有時還自來  
白業誰能起石壁  
朱顏亦任發春醅  
憂來忽憶燕南信  
安得鄉關老萬回

別後有懷子我追用巾字韻作寄

漉酒空我五柳巾一觴相屬念情親玉川奴婢今猶昔  
錦里田園老更貧冰洞清泉誰共酌風篁幽徑好尋春  
開年晴暖須歸去還向江湖覓故人

叔問錄示樂天芻字韻余和以簡叔問

槽滴真珠不用芻塵飛華棟發清謳時危尚想承平態

勝會那從戰鬪求

戰鬪求見世說南部挾彈之事

桓遺物方將期汗漫

苦心何必志窮愁憑君賸作消憂計痛飲狂歌爛漫遊

致政程承議挽詞

手種庭槐擢幹長誰知種德久彌芳錦懷荷索看榮養  
命服思書被寵章合浦珠還增氣象延平劍合動光芒  
新阡鬱鬱車千兩慶善哀榮動故鄉

太守富樞密見示題趙叔問回光庵詩次韻奉和  
因叙比蒙屈顧郊居愧謝之意

千騎雙旌間綠沉草堂無徑辱幽尋應憐范叔窮愁甚  
更覺丈翁德化深泌飲衡門聊記老高山流水舊知心  
朝來拭目窺新句入木銜金比道林

又和呈叔問

湖海當年共陸沉  
山林投老得追尋  
清溪宛轉千山靜  
喬木陰森一徑深  
法界含容居士室  
菴基堅固祖師心  
山王終恐歸廊廟  
回首清遊漢竹林

用韻述懷

故交離合異升沉  
枉直寧當問尺尋  
伏櫪疲驂千里暮  
當關彪虎九門深  
炎涼殊態看浮俗  
衰病交侵失壯心  
一壑一丘真自足  
野麋終是樂長林

送莊大夫綽赴鄂州守

字季裕

白首同經本命年君臨方面我歸田應無衛尉一錢直

空羨漆園三十篇

季裕著本草蒙求三卷頗工

麟閣功名應未晚羊

腸岐路莫爭先西歸不待三年最肯訪柴門澗水邊

某召伏蒙宮使資政左丞以某末疾漸平寵貺新

詩仰荷眷私欽誦不足謹依韻扳和四首少叙盛

德仍述鄙懷伏惟采覽

如公真似太山雲膚寸崇朝四海聞出處要同周四友

聲名何減漢三君  
詞源笑唾三冬學  
妙旨深明六藝文  
要是天孫機杼手  
莫將雲錦並織紋

典訓文章見白麻  
經綸才術入王家  
如何袖手千岩裏  
却傍臨溪一徑斜  
憂國丹心知益壯  
濟時素業復誰加  
何當樂壽亭前路  
杖履優遊閱歲華

載酒何人過子雲  
閉關蘭若斷知聞  
分無秔秫資三逕  
豈有篇章詠五君  
親故易成南浦別  
漁樵時寄北山文  
懸知倚市傾城態  
應笑寒窻刺繡紋

充庭英俊劇蓬麻  
迂憊無庸合卧家  
錦里烟塵終不到  
玉川思慮本無斜  
山東何啻三年別  
霜鬢潛驚一半加  
會見中興平四海  
要看元凱佐重華

叔問覽北山小集用葉左丞韻辱惠佳篇推與過  
情良深愧集次韻奉酬

過眼紛紛夢電雲  
羨君強識與多聞  
風流千載鑑湖老  
博極羣書都水君  
顧我衰懷無復理  
空餘夙習寄微文  
深慙推借逾涯甚  
偶爾真同禦木紋



衡門相望接桑麻人識城南處士家老罷應難誇競病  
詩狂時復賦車斜韋偏閱世時時絕班劍看人歲歲加  
徒把鉛槧消永日強分竒正與英華

鄭希尹大夫會吳中諸老惟方子通不至余作詩  
呈希尹

黑頭新貴擁朱輪文會耆英久不聞博識猶多漢郎吏  
敦詩仍有晉將軍

一作悃悃無華漢郎吏詩書執禮晉將軍

河流曲曲靈光

異芝蓋莖莖瑞氣芬

是日九人

坐想城東隱君子無心閒似

嶺頭雲

龍圖閣待制傅公挽詞四首

北地休竒績東閩出雋儒  
文明知世異才德應時需  
臺閣咨純正朝廷重楷模  
九原如可作素業上唐虞

置醴王門重和羹帝意深  
方酬稽古力未展濟時心  
履道端由戶繩身異直尋  
如何天不憇注想動宸襟

龍駕初從代羊裘首訪齊  
但聞還舊物已足慰羣黎  
綸紵王言大著龜國論稽  
空留吾黨恨桃李信成蹊

曳杖空成歎騎箕去莫追  
桑陰曾未改棠茆有餘悲  
茄鼓千山路龜螭萬古碑  
登門慙惹陋何以報深知

黃修中大夫挽詞

少日無雙譽中年嘆數竒  
音徽叔度比治迹次公為羔  
雁徒三至牛雞不兩飛  
空令吳楚地阡陌有餘思

曠度中無累懷才竟莫伸  
入朝誰不達出宰一何頻  
吏隱琳宮冷郎潛素髮新  
話言猶可想攬拂涕沾巾

日日

金定口唐全書 卷二百三  
日日長川去行行萬化新  
回思幾年事已似隔生人  
章甫寧資越連城漫入秦  
應知依內寶肯混隙中塵

山近

山近雲多態身閒夢亦幽  
紙窻先得曉布被最知秋  
海眼來陰冷雲根逗暗流  
結茆容我卜投老為君留

看鏡

看鏡恍如夢今余猶昔余  
身經幾墮甌跡寄一蘧廬  
仙客有遐怨昔人以鶴為仙  
客鷗為閑客孔兄為近書  
塵纓與蕙帳兩

事欲何居

舟行過吳江有感二首

陳迹端如幻，羈懷只自驚。  
十年窮不死，四海寄餘生。  
蒲柳成衰質，枌榆憶舊耕。  
重吟五湖句，慷慨動幽情。

栖棘空回首，飛鳧竟折腰。  
只今隨泛宅，敢復歎沉僚。  
行路終難拗，迷魂不可招。  
山川良自昔，恍似鶴歸遼。

喜雨呈鄭高郵

赤地無遺蘖，懸知一歲空。  
乖龍忽解事，死虎亦爭功。

時高

御用厭勝法以虎骨  
投龍潭中至是乃雨

土燥財沾塊人安未轉蓬翻思瀉

東海何計請天公田畝膏腴濶河流脈絡通邦人依豈  
弟指日望登豐

江仲嘉書稱去長山靈真洞半里許得林壑殊勝  
予記昔過謝原道中亂峰峭壁間竹樹蒼翳今仲  
嘉所稱得非此耶因寄百二十字

聞說靈真路旁開小洞天蒼巖闕清境陸地接飛仙壁  
立驚猿挂松枯老蔓纏攢空永亭石漱壑定林泉烟磴

盤三徑玄憲屬五便武陵迷魏漢妙喜斷山川勝絕端  
如此經營欲老焉烹魚幾折屐命駕擬加鞭易禿三千  
杖寧辭四萬錢把茅應早計拱木歎流年鴻鵠須塵外  
鴝鷲自古邊人生各有在雅志共超然

避寇還舍

亂定還三徑陰陰夏木初驚弦無固志巢幕且安居晏  
坐心如地尋幽步當車經丘仍窈窕遶屋正扶疎搏黍  
空懷友提壺或起予老來無住著聊復愛吾廬

苦雨

積潦徹厚地油雲成漏天乘舟迷晚市懸釜鬱晨烟卉  
服幾三沐遂廬亦九遷何由問白日直恐墊黃泉天道  
終持滿皇心劇救然多應洗兵馬且復奠山川浩浩收  
溟漲穰穰決帝廛變調知努力延頸待豐年

避寇儀真

北固山頭豎白旂西津渡口僕姑飛將軍笑引三千騎  
洗馬鷺翎間道歸



茅茨低小對青山  
準擬餘年向北閒  
南望青山是黃鶴  
欲憑黃鶴寄書還

贈別吳忱宣德并叙

予客都城邂逅河南吳誠伯偕寓興國僧舍其  
為人樂善嗜學練熟世故從居蘄春適再世耳  
而蘄春人至都下者無賢不肖必來問訊其廬  
所傾下往往知名士故舊有以急告隨所厚薄  
調之誠伯自言尉光山時捕得強盜十許人賞

應第一等獄具部送府盜親戚望哭道旁或扶  
老攜幼號戀不忍聞誠伯顧盜非素猾賊為人  
害者一旦迎飢寒適為盜乃陷重辟耳因以盜  
還送縣稍緩其獄久之皆得不死賞固不論也  
凡此過世俗遠甚今茲同寓僧舍者至數十人  
乃獨見親厚者抑又何也予調官東歸誠伯從  
予索詩為別匆匆不暇還家作此寄之

吳公河南守薦士得賈生偉茲天下士何止千人英吳

公失名字功業曖不明要非萬頃陂莫著橫海鯨當時  
好賢意豈愧勃與嬰蔽賢如面牆自使兩目盲好賢如  
力穡穰穰五穀成至今餘慶在望著河南城如君豈其  
裔樂善莫與京高門二千石世德故可評平生周旋士  
往往凌青冥作史今年讀書不求名向來光山尉何  
異古所稱嗟哉士營已寧使我負人聊須借汝頭一用  
朱吾輪今君乃能爾所棄如毛塵故知古賢世尚見風  
俗淳伊予一畸士落落良可憎折腰務求合俗眼竟不

青憧憧九衢內邂逅蓋一傾何從乃知我頓有交舊情  
相隨若形影出語見肺膈長安速化地頓鈍終無營中  
宵起歸思襍被東南征投林無擇巢促步無安行寧嫌  
蕞爾邑要是衆不爭紛紛同舍客聚散而不停毛子去

山邑哦詩對崢嶸想見簿領間炯如九秋鷹

毛世高個

深州

戡羽翮題與重廬陵胸中若懸鑑圭角不自呈

上官閔中恢

石老故遊倦飄蕭數星星崇山古惡地無乃煩答榜

音彭

石興宗振有子程翁頗專嘿兩版晝夜扁時時繫烏帽

愨有時名早死

匹馬挾二黥安知剎那間一卧不復興

程興之

其餘復誰

在誰與交忘形去駕雖結轍來檣競揚舲懷君尚留寓  
京塵染裾纓其誰念久要佐子飛且鳴况君緇衣後世  
故飽所更會當力推挽橫絕非階升却顧五湖上有人  
方耦耕

戲題畫卷

五載京塵白鬢鬚丹青遐想寄衡巫如今埽迹長林下  
却對真山看畫圖

胸中雲夢本無窮，合是人間老畫工。  
常恨無因繼三絕，倩人拈筆寫胸中。

答和江子我

長江滾滾葉蕭蕭，心與虛空自寂寥。  
過眼文書風度穴，迎秋衾枕帶忘腰。

柳粟橫擔入亂山，恍如黃鶴倦飛還。  
不妨步履時來往，山北城南一望閒。

駐蹕揚州以提點刑獄公廨為尚書省禮部在西

北隅卷書樓下甲戌年予嘗寓止焉今寓直其下  
有感

三入南宮更白頭夜寒持被卷書樓那知趼足半天下  
投老浮山省舊遊

得趙叔問衢婺道中書作寄

田中有秫醉淵明石上無禾養伯齡聳澗蒼根終鬱鬱  
埽雲歸翼會冥冥避喧人境心隨遠入夢家山眼共青  
歲晚定知成二老深慙招隱苦丁寧

和王給事易簡殿試舉人五首

切雲冠弁拱長生  
匝地英髦集紫清  
共喜草茅承帝問  
欲傾塵霧贊皇明  
飄飄六翮鳴臯意  
浩浩三眠食葉聲  
正學讜言應不乏  
松筠肯為四時更

右試進士

北上寧嗟老  
此生長年終得似  
河清良金熟鍊精  
英在古劍磨光  
星斗明  
伏樞向來猶壯志  
據鞍他日想騰聲  
當時誰出菑川右  
充選何勞固請更



右試時奏名

射策兼收燕領生不須文檄似常清  
驚弦隼鷁從容下聚米山川指顧明  
豈但執戈堪武衛還應舞羽繼仁聲  
汾陽千古知誰匹怪底揮旌不浪更

郭子儀舉異等虎幟  
不更事見李光弼傳

右試武士

金闈人靜月華生玉宇風微曉露清  
深拱北辰三素遠靜看東壁幾星明  
媼嫫豈易窺軒鑑韶濩那容奏鄭聲  
閒說壺天春日永恍疑鼇戴欲番更

右考校

萬里烟霄羽翼生  
肉飛安用漱華清  
緋頭黃尾何勞記  
紫籍青書故自明  
香撲賜袍迷草色  
風傳宮漏出花聲

麒麟一一充閑廐  
千里那間駕屢更

九章云勒騏驎而更駕兮造父為我操之

右唱名

和答江彥文送行長句

醉裏求名苦不情  
儵然誰信萬緣輕  
却觀塵境端如夢  
更喜幽栖得此生  
遊客乍歸寒雀噪  
山人還去曉猿驚

會當蠟屐同幽討無限青山照眼明

贈行新句比陽春朝奏當年竦縉紳素業異時應有待  
玄談高處亦無倫平生骯髒皆華首閱世崎嶇信損神  
只恐鶴書還赴隴未容公作獨醒人

丁巳九日攜酒邀叔問登通道樓而江彥文寄玉  
友適至因用往歲吳下九日韻

涼秋風動正清華極目高樓不見花老境固知無樂事  
醉鄉聊欲寄生涯銀鈎遠寄清桐滑玉液親題赤印斜

笑引壺觴成一醉歌筵遙想鬢堆鴟

彦文是日有盛集

和趙子雍遊石園

長嘯西風一散襟重陰踈影靜相臨水通笠澤秋容淨  
竹種元池野思深石磴掃雲留晚步松蹊隨鶴盡幽尋  
舊遊回首成春夢太息憑誰寫寸心

和翁秘監彥深喜絕句四首

朝來喜氣溢層霄只聽封人共祝堯  
密雪正應歌九扈疾雷先已破三苗

時初殄睦寇

即看新綠歸千畝，還見陳紅積九年。  
便覺雨暘如有意，不須花草苦爭妍。

九重誠意格天關，一夜風迴萬壽山。  
銀闕瑤臺迷遠近，真疑羣玉接蕭閒。

風鈴相語紙窻鳴，瑟縮飢鴉凍不驚。  
却憶剡中高興盡，雪消江草喚愁生。

試端溪古硯偶書二首

白首重來只厚顏，有懷端欲向人傳。  
語言相對都無味。

色在蜚鴻落照邊

人生當復幾兩屐我飲寧須三百杯  
破硯猶堪磨老境  
醉拈椽筆埽霜煤

會稽旅舍言懷

北山之北寄柴扉茅屋參差倚翠微  
老罷那知還作客  
春深無奈苦思歸  
淹留恐復荒三徑  
潦倒寧堪扈六飛  
乘鶴雙鳧作底事不應容易裂荷衣

次韻江子我見寄長句

泥行且作龜藏穴霧隱初微豹一斑豈有高標如冠玉  
况無談舌解連環一登文石趨宣室三竊蟠桃向道山  
早晚共尋雞黍約林泉猶得半生閒

戲呈叔問

野寺蕭條獨掩扉了無才術赴時危未成鴻鵠舉千里  
且比鷓鴣足一枝短髮望秋如葉落壯懷因病與年衰  
何時負郭通三徑鳩杖相將醉習池

與叔問預約繼九老之會

九老當年四美并韓溫千載接儀型世間天爵兼人爵  
雲外台星聚德星白髮簪花看更好碧山環座眼偏青  
相期勉繼耆英會留與衢城作畫屏

彦章屢顧郊居作詩叙謝

骭髒衰頽歲月侵冰墟誰復顧山林閭閻揖讓潛夫老  
車騎雍容重客臨表裏絲綸曾濫吹推揚巴俚久知音  
時來解帶揮談麈正始微言得重尋

子在掖垣彦章在翰林故有表裏絲

句綸





兩宋名賢小集卷二百三

欽定四庫全書

兩宋名賢小集卷二百四

宋 陳思 編

元 陳世隆 補

文溪集

李昉英字俊明番禺人寶慶丙戌廷對第三淳祐初  
官吏部郎累擢龍圖閣待制吏部侍郎歸隱文溪卒  
謚忠簡有文溪集

送廣帥趙平齋汝暨解印趨朝

海瀕老同年五載依宇下春風舞蓑笠愛日曝田舍喜  
無撞塘吏追逐款段馬劇談許條褐得趣公餘暇達官  
來三徑小隊隣翁詫明公傑俊人麟族稱大雅典型式  
諸老胸次郁醞藉西派溯其源境物入陶寫才高事無  
難隻手擘泰華乘輶始踰嶺風采賢使者堂堂開大閭  
部屬肅鞞帕臺端有老蜮闔影含沙射孤忠冕旒知還  
許河內借鈴齋安獨處冷淡間僧夏例錢推不受金貝

視土苴首祠酌泉翁坐使饗俗化葭萌細摩拊生意被  
原野循良渤海遂平理潁川霸威風戢偷竊德意消詭  
詐能令颺母伏默禱雨師洒開倉散窮閭儉歲低粒價  
貢場宏敞拓芘士千間厦歷觀古賢牧美政公其亞讒  
夫真枉屈有識共唾罵君子竟何傷徽譽愈膾炙詔還  
九棘班明發不俟駕傾城送津亭牽纜不忍捨老夫前  
致辭再拜進杯斝立朝要敢言切勿效喑啞此行衆所

望磐石鞏宗社

久住白雲呈鎮長老

桑下戒三宿我此尚留戀曹溪晤一夕我復無知見鎮  
公房遜客所須如執券園丁曉供茹行者夜灌硯飯奴  
更芻馬紙帳費香篆主人真好事答應了無倦欲歸興  
未闌坐享伊蒲饌

觀定堂

梵宮憑水建蓮荻費芟除岸破羣魚出枝危獨鶴居定  
鐘僧睡蚤揮塵客談虛月滿龕燈小風停幡影踈供槃

多佛菜僧飯飽園蔬惟有開山老清高閉草廬

送鄭雪屋歸里

征衣點落紅君去與春同貧到歸時見吟多醉後工不  
應冠尚鶻自許氣如虹急拭看山眼飛帆吸快風

武夷觀

閒乘石罇船又到浙江邊回向初心地皈依古洞天成  
丹呼鶴駕噴酒起龍眠雨意偏留客茶瓜定宿緣

建倉解歸詩復徐意

吏擊雙印出便覺此身輕物我忘思怨漁樵寄姓名笛  
聲黃犢背詩興白鷗盟故舊休相訝無書到帝城

景泰寺

樹合疑山盡攀緣有路通遠鴉追夕照低鴈壓西風瀑  
勢雷虛壑松聲浪半空凭闌僧指似漲霧是城中

觀穫

負郭平田潤秋深穫課勤短鎌行缺月多稼剪黃雲舊  
臘占三白今年稔十分太平村舍裏墮穗飽鷄羣



雲泉亭

絕頂鬱其前寒崖噴玉泉亭成山補闕境勝我纔先樹  
杪江天接榕根石磴懸賞心遂連日合為智仙傳

別陳霆

正喜論文子遽歸扶胥江口訪韓碑吟篇佳處南遊得  
行李輕如始至時石友秉心終可托山翁具眼遠相期  
勉旃辦取蘭闈捷四六供官且放遲

白雲登閣

金少曰  
卷二  
白雲峯擁到危巔傑閣暈飛倚半天谷響頗疑吟木客  
潮回坐見變桑田幾重山隔幾重水一日身間一日仙  
真樂無如會心處林花野鳥亦欣然

雲關觀月

山間未晚先得月料想城中見較遲海吐銀蟾漸呈露  
林垂翠影已參差孤輪涵澗安禪處明鏡當空沉籟時  
夜半良翁猶獨坐清光吸盡入詩脾

登峽山疾雷甚雨

長風吹裂碧雲堆  
捲取銀河瀉下來  
雨攪犀潭千尺浪  
烟遮龍壑一聲雷  
松枝偃蓋岩隈立  
猿女穿蘿洞裏回  
舊事蘭亭好拈出  
婆娑溪曲共流杯

西樵岩

巨石峯阿駕半天  
樵山風景豈虛傳  
水簾不捲四時雨  
丹竈空凝萬古煙  
印石尚存烏利跡  
問誰曾識紫姑仙  
我來遊徧登雲谷  
更借山僧半榻眠

碧霄

未到白雲先碧霄，瘦藤支吾上山腰。  
烟橫遠樹醉眸豁，竹引清泉塵慮消。  
酒滴松根如露飲，茶烹石鼎抱茅燒。  
平生不被名利鎖，半掩柴扉聽晚樵。

送泊使孫叔諧東歸

蓴鱸高興趣，新秋帆腹吞。  
風湧去舟萬寶集，登天子庫。  
諸蠻遮泣海山樓，世間顛倒是非夢。  
達者逍遙得失侯。  
歸到家林定重九，團欒杯酒菊花浮。

宴鳴珮亭和趙漕韻

數尺飛泉漏隔城寒巖砌處落琮瑋懸知勝境無塵到  
却訝晴天作雨聲一飲不容貪者飲兩峯宜著醉翁行  
此泉千載因人重曾識光風霽月清

蒲澗滴水岩觀瀑

與可人遊四五并快風吹面洗炎蒸鹿廵夾道千章木  
猿挂垂岩百尺藤石室橫琴清振玉壺瓢酌水冷調冰  
瀑簾雨後籠山澗不許塵埃俗耳聽

送鑒師住靈洲寺

少年芹泮頂儒冠，猛志緇袍出世難。孤島一燈開佛屋，長身七尺占僧單。鐘鳴魚叩隨緣過，棹舞鷗飛取次看。亭下聽經人在否，石闌搖影碧波寒。

贈海珠湛老

也曾參破動風旛，坐得形枯鬢早斑。衲子指為真鐵漢，江神幻出小金山。華亭浪急翻船入，葱嶺雲深挈履還。香燼未寒行道處，蕭森翠柏護禪關。

羅浮洞長寶谷王寧素送藥瓢

久矣深山煉鶴形，聞呼洞長又逃名。  
斷崖怪木人稀跡，亂石奔泉水有聲。  
劍定通神收古匣，奕聊供玩戲紋枰。  
藥瓢解贈寧無意，重到孤庵論養生。

蒲澗和東坡韻

四時水柱濕風前，絕頂飛來一派泉。  
瘦蔓相牽根太古，蒼崖特立倚長天。  
竈荒孤鶴尋遺跡，寺老幽禽闔坐禪。  
閒日頻遊歸復夢，結廬曾許躡坡仙。

四月十五日遊僧寺

今日快逢僧結夏不妨乘興叩禪扉山垂遠瀑溪聲急  
風捲癡雲雨脚稀囊錦詩成僧借看紋楸棋落鳥驚飛  
此來莫訝凭闌久傑閣新成拂翠微

送泊使周申

堂堂山立舊朝簪久屈清流督獻琛風送連艘出獅國  
浪吹殘句到雞林平生不隔同年面中歲難禁惜別心  
歸見耆英定相問只言閉戶萬山深

弋陽鄭氏翠麓亭



管領寒溪揖怪峯徑穿叢竹綠陰濃幽人去後無猿鶴  
冷落亭臺濕蘚封

雪封寺

征輿六月渡梅關大地清涼樹影班行客不須梅止渴  
流泉到耳冷潺潺

挽鈍齋先生許象州

家學存齋授淵源自晦菴魁文行海內師道重天南銜  
得水條一州纔刀夢三芳名却千載俎豆拜祠龕

義重人誰及高風有古人已田分友子黎事保羈臣抱  
負耕草志依稀陋巷仁丹青遺像在難寫道心真  
丈席即之溫終身佩一言棟梁失安定山斗慘韓門慟  
矣心喪重淒然手澤存江聲助悲共莫返大夫魂

送族子春叟遊西廣

鳳出丹山定九苞桂林要揀一枝巢久聞嵩竇須幽討  
不是人豪莫汎交鶴髮頻將安問寄螢窓勤把舊書鈔  
功名到底還堅志崛起新豐一草茅

重遊鬱孤臺和坐客韻

座上多俊人奇崛角拔犀追風飈館遊鼉鳴玉龍嘶夕  
陽催歸鞭更酌樽重携懷開鈎鈎簾語合印印泥似與  
花神期拈出糕字題壯哉千尺臺虎踞巢之西平看十  
萬家一日城市低乘風巾可擣取月箸可梯豪氣壓崆  
峒雙月照虹溪響山慨懷古妙句吾家鷄邦人趁遨頭  
壺榼山之溪最喜秋事成千畝黃雲齋

戲題羅浮梁彌仙寫真

八十童顏雙眼明浪遊湖海一身輕莫將啖肉先生比  
箇是羅浮老樹精

羅浮何君祐甫相訪惠詩又出所作水墨魚戲題

卷末

山頭釣引千釣魚鐵橋曾逢稚川奴風波平地誤點額  
戲取墨汁翻糝糊縱觀濠上契妙趣浩浩胸次涵江湖  
墨雲忽從硯池起撥刺跳出形模殊大魚騰躍撼風雨  
小魚瑣碎遊荇蒲技如元放幾許竒金盤一个松江鱸

試張亭前漲波影春鉏飛下傍睢盱世間畫史少活筆  
描寫終類鮒肆枯丈溪一灣浮釣徒欠得龍眠為嚴瀨  
羊裘圖

題東坡竹

葉葉枝枝各標緻密密疎疎總風味筆為化工壁為地  
頃刻種成此君子雖然月影水影寫真似安得千年尚  
生意

兩宋名賢小集卷二百四

欽定四庫全書

兩宋名賢小集卷二百五

宋 陳思 編

元 陳世隆 補

樂軒集

陳藻字元潔福清人從學林綱山為及門高弟僑居  
橫塘家貧授徒以自給生平備歷艱阨處之夷然扁  
所居曰樂軒卒年七十有五

丹井懷叔遠

喜稱吾子賦羞道少年時別去休論易愁來欲寄詩夕  
陽書不到殘月夢相隨晚歲傷心事松嶺獨語誰

適武林入延平界作

人烟隨山窟家家自生理木杪挿秧青泉流仙杵起聞  
邊憶漢皇航海通南鄙黃昏更不愁客舍連甍美

歸入古田界作

步入溪山勝橋亭古劍風土宜辭荔子村塢盡油桐南



店炊初滑西舟石漸窮  
豈知旬日外便訪去時蹤

城山

雲霧成佳景天明又幾回  
忽携詩句入別放畫圖開  
遠樹沈如立行歌去似來  
小船衝雨過高柳接湖栽  
月傍孤青樹名呼怪石臺  
故園無夢想近擬築岩隈

虎溪

四圍山木合百磴屋簷重  
古穴成幽井疎林散曉峰  
響泉那更月啼鳥此無冬  
臺上朝朝看天邊有怪松

冬日南谷讀書

列岫開平野，修牆隱密林。  
暗泉聞雨響，寒日覺冬深。  
眼底底孤村，近雲邊小樹。  
侵何須錢買屋，空寺足閒吟。

題缺

自從弱冠為遊子，玉融丹井壺山市。  
哦詩不用著工夫，已謫牂牁四千里。  
柳侯未五十羅池，作刺史翰苑失詞華。  
蛟龍怨泥淖，我今四十貧無官。  
六合飄零到融水，來時三宿柳城村。  
再拜前賢我如此，才卑何怨嗟且迷西。

征始奔走豈吾心  
跬步思桑梓  
江右湖湘抵桂林  
青山爭獻雙眸美  
青山縱好興不生  
萬斛羈愁懷抱裏

海口吟

按圖自古無人到  
二百年來戶口添  
架屋上山成市井  
張官近海課魚鹽  
估客趨潮撐米入  
没人忍凍采蠔粘  
仲尼有廟塵誰掃  
寺觀崢嶸香火巖

題融州城樓

除却譙樓環解舍  
蕭條市井客懷悲  
高高下下山無數

卷之四  
卷二五五  
淺淺深深江有時大布紅裙猥女着半規白扇野人持  
城中昨夜亡羊豕聞得誰家虎入籬

客中書事

千載蠻風尚有存此來聞見不堪論猪膏澤髮湘南婦  
牛勑塗門嶺右村行客下牀調瘴藥吏人提甕灌蔬園  
豈無佳麗堪娛目別有淒涼只斷魂

真仙洞

洞裏清溪可汎舟入觀洞府出高丘老聃尸解今還在

黃帝生前有此不滴乳解添無數幻携燈何用不魯幽  
乾坤自大人身小拳石空中作勝遊

姚晉卿溪閣行

南院觀溪心已清縈紆更上閣中行西橫車馬市橋合  
東眺遠山霞霧生日斜沙石淺可數半夜轟雷驅猛雨  
農圃嘈嘈春水多誰得身間延客歌醉後下堦齊拍手  
長株矮樹排花柳主人更要雙眸寬去年拄杖尋長安  
一行一處狂呼去日日芳園大如許買地比多直幾金

千屏萬障為墻堵

和林子望

夫君莫要嘆無官  
幸有田園在故山  
滿室春風滿林月  
人生何事勝於閒

丘德基七十

斯翁千歲也何愁  
七十真堪賀禮修  
多少人間貧病客  
不貪天地久相留

夜宿延平水東

浮橋暫折阻狂瀾  
懶問津船趨往還  
雙劍廟前酤酒醉  
水西燈火水東看

重陽臨安舟中作

小船獨坐看平洋  
歷歷登高舊事長  
戲把此身看寂寞  
今年無酒過重陽

十月一日毘陵作

聽得常州多菜色  
到來市井亦安然  
今朝正值焦糟節  
車馬翩翩上墓田

紅泉明日還福清作

獨坐無聊已日西  
塗經蒜嶺過漁溪  
一枝何處空歸亟  
却理行裝羨鳥栖

過臨川懷劉氏兄弟

臨川幾日到長沙  
聞道黔南路更賒  
行見一村籬落好  
誰家此住憶君家

冬日融州絕句

四隻漁船叩板門  
幾家茆屋長兒孫  
天寒水淺江成路



地僻人稀郭賽却

過象州

都無一物作生涯坊巷蕭條有幾家料得寒梅應悵恨  
滿城開作寂寥花

戲題宏仲飲亭酒肆

老去雖貧有酒壚秫田親種暫時沽閨中不解為慳婦  
間問劉郎燕客無

擬卜居

向來為客愛塘村幾度天邊入夢魂  
恰到塘村心已懶  
不知何處立柴門

盧北山元夕

社屋相忘鼓笛鳴空村步月興堪乘  
何須更要鰲山立  
野燒天邊勝看燈

送黃欽之赴廣州鹽稅

地氣周遭逐處流五羊漸已似中州  
海風吹斷山無瘴  
炎月何妨作宦遊

寄吳提幹

不見河南二十年若為再拜畫堂前來尋八桂瓜期滿  
歸訪蒼梧蓮幕遷幸對夫人如母在喜看令子似公賢  
府僚共約黃花去紫已還鄉種薄田

融州西樓望山

臘月牂牁三十日想見覓向上巖樓遙知今夜柴爐會  
說我無家更遠遊

融州望鄉

金史卷之八十一  
卷之八十一  
故國來來八十程登樓迷却桂州城望鄉不分千山隔  
上趣金烏日裏行

余融州生日

牂牁相遇說長年一在公堂一洞天清遠使君黃石老  
西周柱史混元仙

過桂平

嶺南大半尚鴻荒城壁空堅草莽長忽到潯州江上飲  
喜他風物近吾鄉

別融州

兩年為客憶鄉闈  
樽酒何時別此間  
今日移舟出城市  
多情却戀眼中山

謁羅池廟

平生不作羅池夢  
今日還來謁柳祠  
忽憶故人曾得句  
鬼神先我七年知

題靜山

桂林多洞府  
疑是館羣仙  
四野皆平地  
千峰直上天

兩宋名賢小集卷二百五

欽定四庫全書

兩宋名賢小集卷二百六

宋 陳思 編

元 陳世隆 補

觀我軒集

方信孺字孚若莆田人有雋材未冠能文周必大楊  
萬里見而異之以父廕補番禺縣尉韓侂胄舉恢復  
之謀朝廷尋悔金人亦厭兵時方有和議近臣薦信

孺可使自蕭山丞召赴都命以使事還言敵所欲者  
五事割兩淮一增歲幣二犒軍三索歸正等人四其  
五未敢言侂冑再三問至厲聲詰之信孺徐曰欲得  
太師頭耳侂冑大怒奪三秩臨江軍居住信孺自春  
至秋使金三往返以口舌折強敵已而王柎出便定  
和議增幣函首皆前信孺所持不可者通判肇慶府  
峒寇竊發同廖德明措置收捕就命知韶州至郡即  
封崇張九齡余靖墓擒赤水峒賊戮之轉承議郎知



道州尋提點廣東刑獄奏縱不決之訟數千人遷淮  
東轉運判官知真州即北山櫃水築石堤袤二十里  
人莫知其所為後金人薄儀真守將決水櫃以卻敵  
城乃獲全山東初內附信孺言宜選威望重臣將精  
兵數萬開幕府以彈壓之坐責降再奉祠信孺性豪  
爽揮金如糞土所至賓客常滿其使北時年甫三十  
既齟齬歸築室巖竇自放於詩酒後賢用竭賓客益  
落信孺尋亦死矣

虞山

西風攪桂樹落日明楓林遊子懷歸期予悲渺登臨虞  
山一何高湘水一何深英皇僅枯冢寂寞薰兮琴我欲  
奏古曲俗耳更洼淫古器不可見聊作相思吟相思長  
相思相思無古今一歌衆鳥聽再歌萬籟暗推手君勿  
歌有酒且孤斟落落此時意寥寥千載心五絃毋容絕  
四海誰知音

龍隱岩

石門元不鎖岩屋本無基  
九夏花猶在千年樹倒垂  
僧間方定起客到每歸遲  
甚欲眠蓬葉沿崖讀斷碑

灑山雲崖軒

不用窮探費杖藜  
隱然林壑挾城陴  
曾遵月洞千岩上  
更著雲崖一段奇  
拂拭軒窗容俎豆  
發揮泉石借聲詩  
瞿曇頗似知人意  
已約梅花帶雪移

西山鑿池種白蓮作

池開新白遍天涯  
未許東風擅一家  
蒼桂叢中蒼桂樹

碧蓮峯裏碧蓮花，波光分破湖千頃。  
雲影斜飛，水一窪待著欄干橫。  
淺綠浮萍開處，見魚鰕。

咏西山海棠

真珠幾顆最深紅，點綴偏方造化工。  
好事何年移蜀種，美人清曉出吳宮。  
妖嬈能得幾時賞，零落纔消一夜風。  
自有生香人不識，繡衾全覆錦熏籠。

清秀山

尋偏洞天三十六，蒼靈獨閉此崑扉。  
旋除野草開新徑，

遮莫寒藤刺客衣歲月偶同題壁字烟霞似不令人歸  
把茅欲作開山主已落瞿曇第二機

還珠洞

歸舟多載小江春重訪東巖舊屐痕插水峭崿猶有路  
垂天怪石本無根金華仙伯真知己蕙苾將軍足斷魂  
安得北山公可作倩渠移取向家園

題龍隱岩

愛山那惜走千回生怕前驅後騎催石上參差鱗甲動

眼中在處畫圖開彩鸞未辦乘風去浮鷁何妨載雨來  
人事百年俱變滅祇應題字不塵埃

雨脚初收魚尾霞滿溪流水半溪花尋源曾識武陵洞  
泛宅如浮苕雪家但得嵌空元有路何如峭絕不容車  
道人辛苦經雲水成塔從來是劫沙

慶遠龍隱洞

南山山北北山南一洞中分路口三飛鶴叫雲聲自遠  
懶龍慳雨睡方酣裏公淡墨留蒼壁太史高風拂翠嵐

百尺岩前清絕處道人先我著茅菴

龍隱岩

曾傍武夷九曲何如桂嶺七星水石小容螭隱烟雲長  
帶龍腥

越王臺

萬山滾滾盡東來高處猶存百尺臺回首舊時張樂地  
一杯重與酌蒼苔

石門

呂嘉積石浪相傳雙闕天開尚宛然成敗古今俱一夢  
千秋何似老樓船

金鎖潭

西來異獸路應迷金鎖何年落比溪不比李侯心似水  
歸舟猶擲石門西


題龍隱岩

春波飽微綠斗柄函空明方舟貫巖腹鷺鶴相酬鳴仰  
窺穹窿頂宛轉百恠呈僅餘鱗甲碎不見頭角擗下閭



清泠淵演迤萬頃澄但同魚鳥參勿遣蛟龍驚扶苔撫  
竒篆倚棹看題名三將標殊勲自與山不傾誰歎贅小  
築正恐嗔山靈南澗更幽絕山佛依崢嶸太虛可為室  
豈復資藥楹乳泉助茗椀中有冰雪清何須參鸞去此  
即白玉京鼎來不速客抱琴忽遲迎愛此無絃曲巖溜  
同一聲為君洗塵耳喚我詩魂醒祇愁白衣到好句無

繇成



兩宋名賢小集卷二百六